

Bulan Sinergi Putra 2026 terjemah impak pelan strategik UPM kepada masyarakat

• Oleh Berita Harian- 17 June , 2026 @ 01:01 pm



Bulan Sinergi Putra 2026 selamat dilancarkan di UPM untuk menterjemahkan pelan strategik universiti di peringkat nasional dan global.



Universiti Putra Malaysia (UPM) melancarkan Bulan Sinergi Putra 2026 sepanjang bulan Jun ini dengan tema "Daripada Kampus kepada Impak Nasional dan Global: Sinergi Menjana Masa Hadapan Mampan." Majlis peluncuran yang berlangsung di UPM pada 15 Jun itu telah disempurnakan oleh Ketua Pengarah Pendidikan Tinggi, Profesor Datuk Dr Azlinda Azman. Program ini merupakan manifestasi komitmen UPM dalam menterjemahkan pelan strategik universiti kepada tindakan nyata, sekali gus memecahkan tembok pengajian secara silo bagi membolehkan universiti berfungsi sebagai enjin pertumbuhan negara serta pusat penyatuan sosial yang dinamik.

Sempena bulan tersebut, UPM turut melancarkan beberapa inisiatif utama termasuk Pelan Pemacu Kesohoran Global UPM (Putra Globe) 2026–2035 dan UPM Planetary Health and Sustainability Blueprint bagi memandu pelaksanaan agenda kelestarian alam serta keterjaminan makanan. Naib Canselor UPM, Profesor Datuk Ir Dr Ahmad Farhan Mohd Sadullah menegaskan, penganjuran ini menjadi platform penting untuk menyatukan seluruh kekuatan universiti, di mana kejayaan sesebuah institusi kini tidak lagi diukur menerusi pencapaian akademik semata-mata, sebaliknya dinilai berdasarkan impak serta sumbangan langsung kepada masyarakat dan kelestarian global.

✉ pusat.sumber.kpt@mohe.gov.my



Pusat Sumber KPT



[pusatsumberkpt](https://www.instagram.com/pusatsumberkpt)